

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Lexicon Graecolatinum Novvm

**Scapula, Johannes
Zwinger, Jacob**

Basileae, 1628

*Amplissimis ac magnificis viris consvlibvs et senatoribvs inclytae
bernatvm reipvblicae*

[urn:nbn:de:bsz:31-107465](https://nbn-resolving.org/urn:nbn:de:bsz:31-107465)



AMPLISSIMIS AC
MAGNIFICIS VIRIS CONSVLIBVS
ET SENATORIBVS INCLYTÆ
BERNATVM REIPVBLICÆ,
Dominis suis plurimum obseruandis.



NON vos latet, Viri Amplissimi, tuendæ pietati, sine qua nullum regnum, nulla respub. diu stare potest, pernecessariam esse legitimam puerorum institutionem, siquidem iam inde ab initio, quum vos Deus optimus maximus ex densa errorum & superstitionum caligine ad apertam verbi sui lucem euocare dignatus est, scholas erexistis, Bernæ potissimum & Lausannæ, quibus omni pietatis & eruditionis laude insignes viros hinc inde accitos præfecistis. Quinetiam studiosos vndecunque aduenerint in vestram tutelam susceptos, summa benignitate complexi estis, pauperiores verò non exiguo numero si modò bonæ indolis speciem præ se ferrent, idoneis stipendiis ad literarum studia inuitastis. Quod vt summa animi alacritate à vobis institutum fuit, ita etiam in eo non minori constantia persistitis: quippe qui dirutis ac solo æquatis veteribus ædificiis, quæ vestris scholis

E P I S T O L A

inseruierant, noua vestro splendore digna, Bernæ
 extruxeritis, atque etiamnum Lausannæ extruatis,
 nullisque sumptibus parcatis, vt & Musæ & Musarum
 cultores vtrobique commoda aptaque habeant
 domicilia, vnde colligunt ij quib. ex præteriti tem-
 poris recordatione nota perspectaque est vestra in
 literarum studiosos munificentia, nihil à vobis præ-
 termisum iri, vt vestræ illæ Academiæ viris pietate
 omnique eruditionis genere præstantibus abun-
 dent, in eisque tum diuinarum tum humanarum
 literarum scientia accuratiùs quàm antea vnquam
 tradatur. Ad quod efficiendum præter gloriam
 immortalem, quam vestræ illæ scholæ vobis pepe-
 rerunt, & cumulatiorē in dies reddituræ sunt,
 non parum animos vestros accendere atque inflam-
 mare debet fructus longè vberimus, quem ad vos
 vestramque regionem, necnon ad alios longo loco-
 rum interuallo à vobis distitos dimanasse non igno-
 ratis. Nam si agricolæ tantum laboris, operæ & di-
 ligentiæ iis agris, aut arboribus excolendis impen-
 dere consueuerunt, ex quibus fructum aliquem se
 percepturos sperant, quid in re tam fructuosa fieri
 decet? Ex iis certè qui partim in vestra ditione, par-
 tim apud exterarum nationes rerum publicarum eccle-
 siarumve gubernacula tenent, permultos esse con-
 stat, qui non aliunde quàm ex vestris illis gymnasiis,
 tanquam ex equo Troiano prodierunt. Nec dubium
 est, si sincerioris doctrinæ, optimarumque artium
 atque linguarum studia vestro fauore complecti,
 vestra autoritate tueri, vestris opib. iuuare & ornare
inde-

DEDICATORIA.

indefessis animis perrexeritis, quin multò plures
 multòq; doctiores in posterum prodituri sint. Quæ
 res patriæ ornamento, Ecclesiæ emolumēto, Deoq;
 in primis honori cedit. Enimuerò si in me vel tan-
 tillum est eruditionis (quod planè sentio quàm sit
 exiguum) id vestro beneficio me consecutum esse
 profiteor. In vestra enim Lausannensi schola à pue-
 ris sum educatus, illic me vestra liberalitate aliquan-
 diu iuuisistis, studiáq; mea promouistis, illic primùm
 me ad publicam functionem euocatum vestro præ-
 sidio fouistis. Quum igitur studiorum meorum
 fructum vobis acceptum ferre meritò debeam, nec
 pro vestrorum in me beneficiorum magnitudine
 gratiam referre valeam, nemo opinor erit qui auda-
 ciæ aut temeritati vertat, si hunc primum foetū, qui
 & apud vos natus est, & cuius absoluendi causa me
 à mea prouincia tandiu feriari permisistis, quandiu
 necessitas postulauit, vobis nuncupem dedicem-
 que: vt meæ erga vos obseruantia & gratitudinis
 testimonium apud omnes extet, meoque exemplo
 veluti classico, complures alios, non minus vobis de-
 uinctos, ad eandem gratitudinis significationem
 excitem. Eum vt pro vestra humanitate & in lite-
 rarum studia amore æqui boniq; consulatis, etiam
 atque etiam obsecro: idque futurum mihi persua-
 deo, si eum iuuentuti, cum alibi, tum in vestris
 scholis (in quarum potissimum gratiam susceptus
 editusque est) literis Græcis operam danti prodesse
 intellexeritis. Nam si parentibus accepti sunt qui
 liberorum vtilitati consulere nituntur, minimè ve-

EPIST. DEDICAT.

reor quin hic meus conatus vestræ amplitudini gratus futurus sit : quum hoc vnum spectauerim, vt vestris scholis aliquid utilitatis afferrem, quas non secus ac liberos vestros singulari beneuolentia complectimini. Et quemadmodum in augusto ædificio struendo, qui minutis lapidibus, terræ, arenæ, & aliis id genus importandis manum admouent, opus cum præcipuis illius architectis promouere dicuntur: ita huic vestro tam præclaro ccepto, quo adolescentum studia iuuare magis magisque cogitatis, hanc meam qualemcunque operam quasi symbolum non nihil subsidij allaturam esse existimaui, donec maiora præstare mihi concedatur.

Deus opt. max. vestræ Reipub. statum quàm diutissimè incolumem sua virtute tueri & conseruare, vestræque consilia suo spiritu gubernare dignetur: vt vestro præsidio pietas facta tecta vigeat, literarum studia floreat, omnia denique tum publicè tum priuatim vobis felicissimè succedant. Basileæ octauo Kalend. Decemb. M. D. LXXIX. quo anno Bernensi scholæ coronide imposita, Lausannensis gymnasij fundamenta iacta sunt. Quod faustum felixque esse velit præpotens rerum omnium opifex & moderator Deus.

* *
*

Vestræ Amplitudini addictissimus

IOANNES SCAPVLA.